

SIARAN MEDIA

MENTERI PENGANGKUTAN BERBUKA PUASA BERSAMA PEKERJA PROJEK MRT LEMBAH KLANG

Menteri membuat lawatan pertama ke Kwarters Pekerja Projek MRT Lembah Klang

Kuala Lumpur, 17 Mei 2019: Menteri Pengangkutan YB Tuan Anthony Loke pada hari ini membuat lawatan ke Kwarters Pekerja (CLQ) MRT Cochrane untuk menghadiri Majlis Berbuka Puasa bersama para pekerja yang terlibat dalam pembinaan MRT Laluan Sungai Buloh-Serdang-Putrajaya (SSP).

Lawatan hari ini adalah lawatan pertama YB Tuan Anthony Loke ke CLQ sejak beliau dilantik sebagai Menteri Kabinet. Semasa lawatan itu, YB Tuan Anthony Loke dibawa melawat sekitar CLQ oleh Ketua Pegawai Eksekutif Mass Rapid Transit Corporation Sdn Bhd (MRT Corp) Encik Abdul Yazid Kassim di mana beliau telah melihat kemudahan yang disediakan untuk pekerja, seperti ruang dapur, dobi, klinik 24 jam dan gelanggang permainan serbaguna.

Turut hadir ialah wakil dari Kontraktor Kerja Bawah Tanah Laluan SSP, MMC Gamuda KVMRT (T) Sdn Bhd.

Dalam kata-kata aluannya sebelum berbuka puasa, Abdul Yazid mengatakan bahawa kwarters pekerja (CLQ) menunjukkan betapa Projek MRT Lembah Klang mementingkan kebajikan para pekerja.

“Bagi kami, pekerja yang gembira akan menjadi pekerja yang produktif,” katanya.

CLQ MRT Cochrane kini menempatkan para pekerja yang terlibat dalam pembinaan bahagian bawah tanah Laluan SSP, merangkumi kerja-kerja terowong dan pembinaan stesen bawah tanah. CLQ kini menempatkan seramai 1,188 pekerja dari lapan warganegara yang berbeza, termasuk warganegara Malaysia.

Sebelum ini, CLQ MRT Cochrane juga telah menempatkan pekerja yang terlibat dalam pembinaan bahagian bawah tanah MRT Laluan Sungai Buloh-Kajang (SBK).

Secara keseluruhan, terdapat 11 CLQ disediakan untuk para pekerja yang terlibat dalam pembinaan Laluan SSP. CLQ tersebut terletak di Sungai Buloh, Cochrane dan Serdang. CLQ merupakan tempat



tinggal yang selesa, bersih dan selamat bagi pekerja, di mana ia dapat membantu memastikan kesejahteraan mereka dan juga menghalang dari timbulnya sebarang masalah sosial.

-tamat/-

Sebarang pertanyaan media, sila hubungi:

Encik Leong Shen-Li
MRT Corp

012-3196602 / leong.shen-li@mymrt.com.my

Cik Amalina Ghazali
MRT Corp

016-2154055 / amalina.ghazali@mymrt.com.my